

周書王會篇補釋

韓非子對補

穆天子傳補釋

琴操補釋

國朝一統志卷之四

國朝一統志

國朝一統志

國朝一統志

周書王會
篇補釋

寧武
南氏
校印

王會篇補釋

儀徵劉師培申叔

王會一篇周書之遺晉孔宋王相繼作注及何氏秋濤作爲箋釋爬羅剔抉曲證旁通奇義奧詞渙然泮融近世奇書此其一矣幼誦此書稍有更訂得義若干條名曰補釋至於地名物名之考訂多散見於他文茲從略

周公旦主東方所之青馬黑髡謂之母兒

孔氏曰馬名未聞王氏補注曰髡即鬣字何氏從其說案王說是也爾雅釋畜云青驪繁鬣騊青馬黑髡即爾雅之青驪繁鬣也禮記明堂位云周人黃馬蕃鬣熊安生以蕃爲黑此其證也若母兒之母字殆即爾雅騊字之轉音歟

其守營牆者衣青操弓執矛

王氏補注云營牆墮宮之牆也案王氏非是古字營通作環

故毛詩齊風子之還兮齊詩作營又說文自營曰私韓非子
或作環均兩字相通之證營牆者即左傳所謂環列也

兪人雖馬

孔氏云兪東北夷王氏補注云漢書巴兪注兪水名今渝州
何氏曰兪人疑即倭人即山海經海內北經所謂倭北倭屬
燕也案兪當作渝漢書地理志遼西郡臨渝縣下云渝水首
受白狼東入塞外又交黎縣下云渝水首受塞外南入海此
即今之大凌河發源蒙古喀喇沁左翼北境經盛京南入海
兪人當爲渝水附近之國在今錦州旁

北唐以閭

孔氏曰北唐戎之在西北者王氏補注引或說曰北唐即晉
陽也何氏曰此戎在唐國之北故命曰北唐今山西太原府
所屬之太原縣治在府西南四十里即古唐國北唐當在其

北案北唐爲西北之國固無可疑惟以爲晉之北鄙則說近附會疑此地在今陝西北境在山西之西

樓煩以星施

孔氏曰樓煩北狄地王氏補注云匈奴傳晉北有樓煩之戎伊尹朝獻商書正北樓煩地理志雁門樓煩縣故樓煩胡也何氏曰長城以內地半皆樓煩故壤案樓煩係於渠叟之下則此樓煩當在中國西北與在正北之樓煩種同而地異

卜盧以紉牛

孔氏曰卜盧盧人西北戎也今盧水是王氏補注曰牧誓微盧彭濮又注盧在西北立政夷微盧烝括地志房州竹山縣及金州古盧國左氏傳有盧戎何氏曰卜盧即史記衛霍傳之遼濮盧胡二地也案何說迂曲此節所陳之國均在西方且下文又有巴蜀則卜盧即書牧誓之濮盧濮盧之盧非左

傳盧戎之盧蓋在今四川南界即古瀘水附近之地也今四川瀘州亦因近瀘水得名若卜讀爲濮則下文卜人何氏注之已詳卜盧者蓋盧國之近於百濮者也故下文別言卜人猶方揚之別於方人也

區陽以鼈封

孔氏曰區陽亦戎之名王氏補注曰盛私之荊州記武陵郡西有陽山山有獸如鹿前後有頭常以一頭食一頭行山中有時見之者何氏曰區陽即陝西區水之陽也爲今延安府地案區陽當從浚儀之說區陽當即古酉陽酉陽以酉水得名故湘黔蜀交界之所均可名爲酉陽又黔湘之交漢有鼈水蓋以產鼈封得名證以荊州記之說尤與王會之文合不必泥於山海經巫咸山產并封之說也

夷用闢木

孔氏曰夷東北夷也王氏補注曰山海經夷人在東胡東崔
豹古今注烏文木出波斯國何氏曰此夷當即波斯二字音
與夷字近也案本草綱目云烏木一名烏櫚木一名烏文木
出海南雲南南番夫本草綱目既以烏木出海南雲南南番
則此文之夷即漢之西南夷不必定指波斯也孔王何之說
均非是

州靡費費

孔注以州靡爲北狄何氏以爲西南夷即古靡莫在今楚雄
府是也漢有收靡縣爲臘涂水所出屬益州郡在今雲南嵩
明州蓋即古靡國地收靡者殆即州靡二字異讀之音歟古
代從乚從九之字聲義均同故尻從九聲通作州如爾雅白
州驪是也亦州收古通之旁證

大夏茲白牛

孔注茲白牛野獸也似白牛形非也茲即左傳何故使吾水
滋之滋滋與淄同含有黑字之義猶鷺爲黑色之鳥也茲白
牛者殆文雜黑白之牛歟與犂牛色雜黑黃者同例

犬戎文馬

孔注犬戎西戎之遠者王氏補注云即畎夷何氏又引漢書
顏注說以緄戎即犬夷不知緄戎即混夷亦即昆夷乃王會
篇前文之般吾也不得以爲即犬戎

匈奴狡犬狡犬者巨身四足果

何氏引梁耀北說曰四足果蓋足短之謂若果下牛果下馬
矣又引王懷祖讀書雜誌說以闕梁說又謂果疑即裸字四
足無毛之謂也案其說均非果當作蹠說文蹠足蹠也從足
果聲釋名蹠确也居足兩旁蹠确然也蓋蹠者足之隆然圓
起者也

權扶玉目

孔注權扶南蠻也何氏曰權扶蓋山名即漳州府海澄北之文圃山非也案權扶即驩兜虞書放驩兜于崇山古文尙書作鵠咬謹權均從謹聲古字通用扶字古文作𠂔古旁作𠂔與𠂔形近蓋古本另作𠂔𠂔復由𠂔作權由𠂔作𠂔復由𠂔誤爲扶耳山海經海外南經云驩頭國又名驩朱國注謹兜堯臣有罪自投南海死帝使其子居南海祠之則古有謹頭國爲謹兜後裔所封在今廣東海側謹頭即此文之權扶也其西魚復鼓鐘鐘牛

孔注魚復南蠻國貢鼓及鐘而似牛形者王氏補注鐘牛未詳案王會所舉各邦之獻品未有一國兼兩物者鼓鐘鐘牛二鐘字一爲衍文鐘牛者即犝牛也爾雅釋畜犝牛字林云犝牛名後漢書西南夷傳云有旄牛無角一名童牛肉重千

斤童牛即犝牛所產之地近巴蜀故魚復以爲貢品其名曰

犝者山無艸木曰童故牛無角亦曰犝此即旄牛

爾雅作犝說文作犝

髦作之別種也鼓犝牛者鼓即獻字之訛魚復獻犝牛與前文

央林以曾耳夷用闌木一律自獻訛爲鼓陋儒以鼓鐘二字

古多聯文遂于鐘牛之上又妄增一鐘字可謂無知妄作矣

南人致眾者皆北嚮

何氏曰眾當作象此言南越之國以象爲貢也其說最確惟此語增者字于句末與前數節之例不合蓋著字乃箸字之脫文言南人以象箸爲貢也史記宋世家言紂爲象箸則象箸爲古代貴器以之爲貢猶前文樓煩貢星旄僅以旄牛之尾爲貢也

其餘皆可知自古之政

案自古之政一語當屬下節自古與自古在昔之自古同所

以統下文夏殷二節此節當以其餘皆可知爲止猶言其餘皆可類推也

正西昆侖狗國鬼親枳已

案鬼親枳已爲四國鬼國即夔左傳楚子滅夔公羊傳作隗漢書地志以秭歸縣即古歸子國夔隗歸鬼古字通用夔雖由楚分封然大戴禮言陸終娶鬼方之妹夔爲古鬼方之邊境夔字即沿古鬼方之名則鬼國即今夔州附近之地矣親國即嬖古字新親通用漢書人表云女志鯨妃有嬖氏女大戴禮作莘又詩大雅之言文王納妃也曰纘女惟莘莘與嬖同在今郃陽商代西境甚狹故嬖處邊陲親即嬖字之省文也若枳即國策楚得枳而國亡之枳已則巴字之訛文何氏以鬼親爲鬼方以枳已爲南已之市非也

五西里命國康縣志

卷一

桂林鄭裕孚校

穆天子傳補釋

寧武
南氏
校印

序

隋經籍志起居注類載穆天子傳六卷注云汲冢書郭璞注新舊唐書均同晉書束皙傳則謂此書本五卷末卷乃雜書十九篇之一蓋五卷爲汲冢舊簡本末卷則校者以雜書併入也此書雖出晉初然地名符于山海經人名若孔牙耿儵均見書序所載賓祭禮儀器物亦與周官禮古禮經相符則非後人贗造之書矣考穆王賓于西王母其事具載列子馬遷修史亦著其文雖所至之地均今葱嶺絕西然證以山海經諸編則古賢遺裔恆宅西陲西周以前往來互達穆王西征蓋亦率行軒轅大禹之軌耳不得泥博望以前西域未通之說也此書字多古文鈔胥復多舛脫宋鼂公武郡齋讀書志已謂轉寫益誤殆不可讀明人所刊校讎益疏近人檀萃徐文靖陳逢衡均注此書然均泛亂無條紀檀本增補字句尤爲葺古惟洪翟所校爲差善